

戶借出香資逋欠亦爲數三十餘兩而工費浩繁因查運庫內有存貯充公溢鹽價銀一十五兩有奇係屬備用公項乃請其事於前任鹺憲李公既報曰可且捐俸助並准存貯溢鹽價銀如稟奏支乃得庀材鳩工建復舊宇未克報竣值今觀察富公來視鹺政權因盧經營乖方又以淺陋不文無足表彰靈貺因具以聞公固樂嘉惠於此方者也遂允所請來以利濟元武額而更捐俸以觀厥成焉於是乃益大集匠石前爲大門中爲正殿仍奉牛王神像而祀之其後則龍母殿也堂階戶牖煥然一新蓋無俟更諸爽塏亦庶幾旣成久安矣是役也經始於戊辰夏六月落成於己巳春三月董其事者則州庠梁生文生清理逋欠以資工給則林墟司巡廳王君均有助焉權按周禮祀典有功於民者祭之能捍大患者祭之而蜡索之文且祭及坊庸貓虎今徼惠於牛王庀茲牧畜去其災癘而息以蕃滋以佐輓運以裕稅課以資民食利賴溥矣則斯廟之作固崇德報功所必不可少之事也云爾因悉其顛末而爲之記（舊志）

趙孝子祠在陸屋墟埠背（舊志載墓碑誌二篇今改載冢墓門）

按建置志另有壇廟一門以其載於祀典有司歲時致祭者也茲之祠宇或已列祀典或未列祀典皆以有功於民民奉祀之云爾故統見疆域志中（舊志）

舊志以壇廟隸建置類以祠字隸疆域類謹按壇廟祠宇建置雖分大小崇祀則一邇

靈山縣志

輿地志

三十七

廣州黃黎巷新中華承印

者科學既昌迷信斯返孔廟而外無一不漸隨淘汰故統入建置類而隸於輿地志并藉此保存公地化無益爲有益諸俟後來（續志）

靈山正續志卷四輿地志

建置類下 坊表 橋梁 道路 善團 坊表

青雲坊在文廟前大街嘉慶九年閤邑公建

節孝坊縣東北關外貞烈坊一爲何廣琛烈婦蒙氏立扳貢邱植有記載雜著那隆施屋村貞烈坊一爲何世燦妻烈婦施氏立 武利魚梁埠貞節坊一爲葉乘桂妻何民立 下白水塘貞節坊一爲甯俊昌妻趙氏立 舊州埔表洞貞節坊一爲李元璋妻陳氏立 太平世祿塘雙節坊一爲伍之達妻利氏長媳李氏立

樂善好施坊在縣西門外環秀橋街爲楊邦濟獨建環秀橋立各碑記詳橋梁類遺愛坊在大平墟爲西鄉巡檢馮可宗政治廉明愛民如子衆鄉建坊以誌不忘焉

孝子坊在檀墟沙井村爲孝子勞喬義建

貞節坊在太平佳芝嶺爲仇汝康妻容氏建

雙節坊在新塘爲盧元璋妻周氏三子炯彰側室陸氏立

貞節坊在浪傘嶺爲仇汝肖妻黃氏建

以上舊志

節孝坊在龍舞嶺

南昌橋坊爲葉年青獨建南昌橋建

貞節坊在武利練佛子塘村爲節婦蘇陳氏立

橋梁

接龍橋在縣東門外康熙三十一年觀音堂住持僧募修知縣蜀東李晉冀一爲引昔乖崖過萍鄉薦賢吏者在譙鼓而吾夫子入蒲邑稱三善者及道路所以修理橋梁道路良有司事也予令靈之明年巽宮粗舉衲子請建大雲寺鄭生宏沔請建壇墟閣予亟助之亦以兩人興廢舉墜良有司事也獨是東門外之接龍橋以一墟而爲溪隔斷怪石嶙峋舟筏難施有一家本父子兄弟分溪之東西而居者自夏徂秋溪水泛漲彌月不得一聚且佛子雲頭沽兒販婦彌月不得一渡以易有無稍涉即有沉溺之患此予之過墟而嘆者不一而足也菊月下澣觀音堂住持照靜者請予作引募修接龍橋予不禁鼓掌怡然曰此予之心也夫此予之心也夫但予按釋典諸書必有宏誓願而後得證無上波羅密夫曰宏誓願乃願之大者也天下事可大者方可久可久者必可

靈山縣志

輿地志

三十八

廣州黃黎巷新中華承印

大是大與久相需者也在今日之修接龍橋議者必曰可大然後可久殊不知願大者則費奢費奢則不繼不繼則難於落成至不能於落成又安能於久乎此欲大而不能久且不能大之說也予意工不必大費不必奢度橋之長短廣狹而擇木之堅硬而不懼侵蝕者以銳鐵穿木石而鋪之其上先利人行後有餘力起瓦屋覆之況現有石砌橋脚可久者一以尺厚木板鋪之可久者二用鐵釘入石不避野漲可久者三後起屋覆之可久者四是不可大而卓然可久者哉予之意止此而已墟之左右前後約五百家各家捐十日檳榔錢而橋可成矣况化其資者有比邱而董其成者有予乎上人合十微笑持緣而去（舊志）

乾隆二十七年知縣黃元基倡修石橋五鞏翼以欄杆有記 邑東城外有橋曰接龍由來舊矣不惟坤輿脉所由關實鳴珂江之通津也况當城市要衝車輿雜遝橋梁不通往來曷便每當春霖秋潦江水泛漲隔岸相呼不得已架以獨木苦於朽小難行茲且歲久月深漸致朽壞斷板無存僅留故轍已卯夏予奉調茲邑目擊心駭詢之士庶僉曰可因可剏皆道傍之築室者也予聞而感慨者久之乃勉爲倡始復謀之士庶以勸厥事審形度勢累石磴爲六層灑流水以五道廣一丈一尺長十七丈二尺翼以扶欄如其長之數而兩之始於庚辰之孟冬竣工於壬午之仲夏是役也易木以石轉危爲

安奠坤輿於川靈接鳴珂之龍脉一時車輿可通販貨咸喜記曰有某舉之莫敢廢也爰書其事並勦事及施者名數勒諸貞珉以誌不朽焉

欽州馮翰林敏昌有接龍橋曉發詩云鳴鷄古靈路驅馬接龍橋寒月如螢火深林有怪鴉夢殘猶可續魂在未應銷別有鳴珂客籠燈事早朝（舊志）

環秀橋在縣西門外爲廉欽孔道雍正十三年知縣李正愷倡建郡守武威張琯美有記靈地山多而水急其民俗往往慳慳自封於是富者惜錙銖貧者安甃甃由來已舊宦斯土者卒莫能有以變其習而動其心雍正甲寅夏五閩安溪李正愷來令是邦甫下車問民疾苦具言邑西郊通郡孔道西河滙流故有環秀橋嚙於水片石無存往來行旅遇雨漲每多及溺居民患之惟於清明中元燒楮期安歲以爲常令聞而舊曰是無有首其事者乃割廉以倡其始隨請於余募工鼎建余聽其議即捐餘俸勸之鄉之民及同官者趾其後自分錢以上計得白金八百有奇肇事於乙卯四月逮乾隆丙辰匝歲訖功費至二千五百令獨輩家財以湊越五月水激盡壞其橋令恚曰是匠拙工慵乃爾某其以厚值雇募閩匠重伐巨石別購形勢更造成事始於丁巳正月終於戊午五月又費二千八百不染民間絲毫橋成長三十八丈廣丈五尺九前後費近五千取之廉俸十三徵諸家財十七非甚好行其德孰肯若是之經營不倦也哉事經再

靈山縣志

輿地志

三十九

廣東黃黎巷新中華承印

造心岡或貳遠召石匠臥波改製堅牢永久視昔有加令之爲政可謂知所先後矣余理郡事於茲樂李令之能嘉惠其民是以感而化之而又引而長之若不知財出於己也於是乎序（按此碑在溪之南）（舊志）

乾隆二十三年邑人楊國華去橋面木板樑易以磚鞏自爲之記西靈繁衝地也城之西有環秀橋其江則導源羅陽逶迤百餘里鳳凰列於東鳴珂來於北几千餘百派咸滙於此橋之設由來久矣然始斯橋者某公也邑侯李公因之不數十年間歸於頽壞是以剏之易而繼之難歟抑剏之未得其宜與後難爲繼歟我靈山邊陲五嶺久爲冠帶其人物自唐宋以來如姜平章甯中憲黃侍郎未可少也而謂其地偏僻陋是不然也丁丑之歲邑侯韓公署篆茲土下車之日凡有益於士民者如文峯閣青雲路既已次第舉行獨於前人所設之環秀橋徘徊周覽慨然興懷以爲是不可令其日就傾圮也因集士紳公議迺召華示意竊思通道常事也修橋公舉也廢公事而不爲者自處之簿也華生長六十餘年目擊當代其間由盛而衰榮枯異致人生幸有微貲又得賢邑令相與栽培倘或不知自愛錙銖積算作一守錢虜態亦思古今來坐擁膏梁氣勢燄灼者何限然滿目繁華不轉盼而化爲烏有是豈多藏厚亡理之自然耶亦持盈無術以致象賄貽譏也茲橋之役邑中諸紳士其身都富厚愈於華者指不勝屈其赴義

勸助者更大有入而邑侯皆曰無庸獨於華首肯是華之見取於邑侯者殆有出於世俗鹹酸之外者耶恭承嘉命感與慚俱區區之費老夫又何靳焉爰諏吉日鳩工庀材以續前徽並答賢邑令一顧之雅此橋也托始於戊寅之季秋落成於己卯之季春九八閱月而告竣焉其估工若干磚木若干灰沙又若干共支去緡三千有奇噫橋之制多矣成都之萬里崔公之渭水文襄之洛陽載於書者不可枚舉茲環秀橋之設僅沿成迹而踵行之殆以濟徒步之勞非真大有造於斯世也乃或不諒微衷輒以掠美見苛噫公所欲爲謂公躁進公既退讓謂公近名既自古而皆然矣然語不云乎蘧伯玉恥獨爲君子是則老夫所存心也是亦老夫所厚望也（舊志）

按橋於乾隆辛丑年圯（道光二年夏楊國華孫捐職都司邦濟獨力經始復建約所費不下萬金洵勉行善事克繩祖武云（舊志）

道光二年夏楊國華孫邦濟獨力重建邑舉人梁惠祖有記 道光四年正月楊君邦濟重建環秀橋成曷言重故有之也曷言建遷地特創無所藉於舊也曷爲仍故名踵前徽繼父志不忍自爲異也嗟乎若邦濟者真樂善人也橋在縣西郊地當孔道傾圯已久往來苦之官民擬建屢以工大費鉅中止而邦濟獨慨然任之而不辭其工費視前十倍其堅固亦視前十倍可不謂之樂善乎先是雍正乙卯李邑侯倡建匝歲功成

靈山縣志

輿地志

四十

廣州黃黎巷新中華承印

五月輒壞尋召閩匠臥波改製費金五千一十年而橋已圯乾隆戊寅邦濟大父國華公因其頽址鳩工庀材八閱月告竣費三千有奇至辛丑亦僅二十餘年而橋又圯夫以李邑侯之實心求濟也國華公之獨力修復也橋皆不固豈材力有不及與柳形勢有未善與邦濟所爲沉思默運遲之又久而不敢遽任也乃一旦喟然曰河曲流駛岸束水激舊橋適當其衝安能久乎爰於下流勢緩瀾漫處石根削鞏者平增之沙土浮積者浚實之中入松椿外彌巨石每墩廣二丈面寬一丈六尺身長二十二丈門分七孔梯石鈎連南北上下階級累石灣環者各數丈計閱十有九月費一萬二千有奇來觀者咸相歡服蓋當是時攻石攻木攻金塼填器需捆載錯雜前陳日至數十百人邦濟親履工所寒暑無間嗚呼力殫矣神瘁矣非誠心濟物樂善不倦能如是乎然者振賢令特創之功成乃父未竟之業利涉大川量延十世邦濟於此亦可以無憾矣吾獨因之有感焉往者寇警之後生聚方殷李邑侯倡厥始邑人助金未滿千乃不數十年而國華公以一人繼厥中又不數十年而邦濟亦以一人善厥終其工費視前十倍其堅固亦視前十倍且得之一家父子誰謂靈之人不好善哉用特書之以爲後起者勸（續志）

按溪南五里亭內碑記二幅舊志錄張記其李邑侯自記遺之爲補錄加下靈山環秀橋邑西郊孔道舊有成蹟圯於水民病涉焉閩安溪李正愷來令茲土議興斯役請憲

報允割廉俸以倡其始復謀諸施者隨喜捐助肇事於雍正十有三年八月辛未以乾隆元年四月丁卯訖功醴水爲人道梁空半壁脛面俱石長三十有二丈廣丈有四尺去厲而徒易危而安旣成因紀其事並施者名數分爲四石而兩刻之豎於河陽（續志）

同治三年橋南復圯五鞏光緒八年知縣陳起倬鄭敦善相繼同邑人士倡捐重修知府蘇佩訓知縣陳起倬鄭敦善邑拔貢仇葆厚各有記錄蘇記如下 修橋砌路利濟之一端也古者歲十一月徒杠成十二月輿梁成民未病涉自俗吏簿書鞅掌日事補苴一切修城鑿池平治道塗廢而不舉靈之環秀橋在邑西郊爲通郡孔道其下衆流滙歸山多水急故橋屢興屢廢光緒七年秋鄭別駕來令是邑適前令陳倡捐爲修橋舉工未竟而去鄭踵成之是橋之建權輿不可考自雍正間安溪李令兩次修之乾隆戊寅橋壞邑紳楊國華獨力重建辛丑復圯道光壬子其孫邦濟仍獨力遷建同治初年又圯以地方多事且肩其任者無人屢議重修皆不果往來病涉十餘年矣陳鄭二君皆攝篆耳不存五日京兆之見身先倡率諭邑紳勞度和等（名不具錄）立部勸捐經始於光緒庚辰九月落成於壬午三月共費緡錢一萬餘千時余領郡方一年鄭君來謁屬記於余余不文自愧毫無建樹願賢司牧人人自奮力求民瘼害去利興百廢具舉其所以利濟斯民者豈僅一橋之區區哉是又余所厚望也於是遑其事而記之（續志）

靈山縣志

輿地志

四十一

廣東黃黎巷新中華承印

鳳凰橋在縣西關外乾隆二十三年重修

烏江橋在縣東北二里爲靈山出橫州之路

佛子橋在縣東七十里石塘練之西北爲鬱林南寧孔道邑人劉士儉建

雙環橋在縣治東三十里乾隆二十六年建

迎恩橋在縣西一里康熙十年建有碑

永濟橋在縣東門外接龍橋下嘉慶十九年邑人楊邦濟建自爲之記 竹行東接舊有鎮龍橋爲城東南往來要津肩相摩趾相錯也第數圯不克終事蓋因陋就簡根不深則基不固石不厚則水易搖每一年中半年恒遷道於接龍焉予見斯橋之不可久也憫行者之遷道也工爲其倍費不惜多豎立橋墩浚鑿入地動以尋尺內實長松外圍堅石分流五孔石梁廣架可以當上流之衝可以殺暴漲之勢可以牢沙水日夜之噬是可以永濟千百人來往之坦途矣因易其名曰永濟橋夫濟人仁術功川浩繁予線力單微豈敢自任而斯橋之咫尺家門日見夫厲揭之迂迴艱辛也強勉支持克終其事行目前之方便盡區區之微忱

錦帶橋在縣東四里赴橫州大路嘉慶七年邑人楊邦濟容長敬黃炳盧輔元陳尙友勞自馨勞緯宇勞震宇江世廣莫爾旻阮永齡龐泗德等倡建

烏龍水江石橋在縣西五里

岔江橋在縣西上埠江爲縣至陸屋新路嘉慶二十四年衆建

高山橋在岔江橋下嘉慶二十三年衆建

馬步橋在雙板橋上爲縣至那隆檀墟路

楊紫橋在雙板橋下

烈兒橋在那隆上

通靈橋在那隆下

思征橋在縣西九十里劉屋洞爲橫州入那隆舊州孔道

又石橋一在劉屋洞邑人張超智張錫珍同建

白沙橋在姚官塘上

送湘橋在姚官塘下

永保橋西鄉舊州上縣孔道嘉慶二十三年邑人廖超廷建

舊州江橋在舊州墟旁邑人張子雄倡建江水令偏於西橋存

總江橋

三津橋均在上井通舊州大路

靈山縣志

輿地志

四十二

廣州黃黎巷新中華承印

滑石江橋由縣至陸屋大道邑人張瀛建

盤石橋西鄉上井至陸屋大道邑人張善達建

檀江橋由陸屋往欽大道邑人劉啟宗建

鯉魚橋由青塘往欽大道邑人馬顯榮建

分魚江橋陸屋至武利大道衆建

司馬橋舊州往陸屋大道張賴二姓同建（張錫恭賴開運）重倡修

永寧橋由廣平往欽州大道邑人楊奇意建

太平江橋在太平墟

七里江石橋在新墟通陸屋大路

百子橋在西鄉中寧屯甯村邑人李世奇建（光緒二十一年世奇孫金才重修）

祥洛橋在西鄉中寧屯統村邑人韋緝建

安樂橋在西鄉中寧凌元村邑人梁樂珮建

馬尾江橋

彰高大路石橋邑人張錫恭建

柳江橋邑人仇汝隆創建仇汝英倡捐重修有碑

串心江橋邑人仇主忠建

滙瀾橋在檀墟衆建

龍溪橋在那隆練馬巢村邑人勞位寧建

化龍橋在化龍陂邑人譚顯德建

永昌橋在謝賴嶺邑人譚津建

雙寅橋在清水江邑人黃銅章胡文漢同建

清河橋在牛頭塘江邑人張公亮之孫同建

龍灣大壩石橋邑人張超靈建子錫恭重修

榕木塘坑口石橋邑人張超萬自建（郡志名增慶橋）

永安橋在舊州滑石江衆建

豬汶口石橋衆建

雪橋在井埇洞口邑人張光前建

永隆橋在那西江邑人勞喬義建

繩武橋由縣至刀背水汎往郡大道邑人陳國聰始建以木其孫陳芳等易以石故名

勉善橋在古梅洞口往郡大道邑人陳光建

靈山縣志

輿地志

四十三

廣州黃黎巷新中華承印

善慶橋在山心汎衆建

南昌橋在武利墟背邑人葉年青建同治十三年年青孫春海等重修

按年青年四十無子歸涉江默祝曰今歲得子必建此橋後果驗乃建之約費六七百金其事甚確並附記以勸善

合江口橋在太平墟西鄉人士建欽州馮敏昌爲之記 余昔薄遊南北所過天下名橋指不勝屈而若京師之盧溝陝西之灞橋要皆以經國便民爲功度其雄壯之勢非有國者莫能爲也及過真定滹沱河蓋歲以柳株積葦爲橋約長數里會水大至車騎爭橋如蟻呼聲震天橋幾中絕余雖幸脫去夢魂猶驚悸不已迨舟次江蘇浙杭諸郡則大小石橋何下千百虹垂月圓令人驚歎又何堅好若是蓋居仁好義使然非官辦能至宜其食好義之報人士通顯特多也旋里後間至靈邑太平鄉訪親隨之省垣道經宋泰村之合江口渡木橋焉其危畧如滹水爭橋時心私訝之以爲行旅之苦又何必在異鄉也迺得太平人士書知已於己未歲衆建石橋甚完固屬余爲記余欣然應之蓋喜其好義不減蘇杭而於國家便民之意又有合焉者耳是役也工費甚夥倡建者爲仇惠忠暨厥叔汝韜又暨邱文奇伍士端龐即賢張四維莫錫爵諸君子餘襄事者書名刊碑其食報良有日愧余無犀帶之助耳遂爲銘曰 靈之西鄉峯瀨崩奔

溪深起斷躑躅難言誰作長橋合江之口巨石虹橫清波電走中孚之吉濟川之功我銘識之以示無窮

八寶橋在宋泰鄉七里頭渡下由陸屋往陳埠新墟大道衆建邑庠生陳王佑有序蘇溪橋在菩提團蘇村前溪邑人李義國倡建

白鶴橋在下爻鄉雷公巖下溪邑人賴嘉言等倡建

南忠橋在下爻那陳村南由欽州達南甯大路邑人賴一元倡建

團樂橋在下爻柳林村由欽州往南寧大路邑人梁文鵬文舒文卷文言同建北濟橋

在北濟墟下溝邑人賴一元倡建（北濟即今百濟）

永寧橋在彭中田爲舊州青塘往欽州大路邑人盧錫有記

按上有永寧橋爲廣平往欽大路未知是一是二俟查（續志）

西江渡在陸屋之西往欽州要津邑人黃敏徽設

東江渡在陸之東往廉要津邑人張所厚暨子姪捐設

那隆江渡衆鄉捐設（一名合江渡）那隆小江渡邑人廖英儒捐設

大松埠渡邑人張錫珍捐設

官溯渡由平吉往欽州那黎要津邑人龔洪禮與衆捐置租谷爲催水手之費按郡志

靈山縣志

輿地志

四十四

廣州黃黎巷新中華承印

分註邑人藍文謙黃中通倡設義渡置渡田一十五斗土名坐落鷓鴣坪貴旺堂等處

秋風四冬黃勝戶民米一升一合五勺倡首人與邑志互異俟考（續志）

環秀江渡衆建設有渡田

下滑石渡邑人張原捐設

平心江渡邑人張原捐設

以上舊志

漆木江橋梁朝材重修

西瓜壩橋在舊州墟西二里光緒三十二年鄉人重建

白沙江橋在宋泰六師局界內

打鼓嶺石橋在平南練界

灣拱石橋同上

潭銀石橋同上

百家嶺石橋同上

老霞石橋同上

翰坪石橋同上

狗肚石橋同上

柳下江石橋同上

西安石橋同上

貴星塘石橋同上

新村石橋同上

八田石橋同上

龍角塘石橋同上

那沙石橋同上

履安橋在官團練內薪家江口道光丁未紀鰲峯創建邑舉人張永淵有記

高涉橋在檀墟練內同治十一年監生謝振坤建至光緒年間大水漂壞子述章重修

雙寶比石橋在檀墟練內同治十三年附貢謝振標建

堯家埠石橋光緒七年邑人甯啓祚等捐修

那王江石橋光緒三十三年宋泰練紳仇業祖倡建

橋針橋邑人馬正亮仗義獨建年月無考

永保橋在舊州下甲謝八塘嘉慶二十二年廖超廷獨建光緒三十年廖重光倡修

靈山縣志

輿地志

四十五

廣東黃黎巷新中華承印

蠡斯橋在榕樹塘道光二十五年廖超鶚獨建

天賜橋邑人黃大壬大善等倡建黃大寅有記

達都橋道光元年邑人楊廷修等倡建邑庠黃河清有記光緒初圯劉仕宋兄弟重修

廖燿孫復爲之記

百榮橋古盤村人建

冲敲橋有上下上橋周貽強獨建下橋團亮村人同建

皇賜橋在上寧新墟道光十七年邑武生李翹然獨力刱建橋分五鞏面濶一丈二尺五寸長十六丈高二丈七尺翹然自立有碑邑增生龔明輔爲之記 墟北小江地當

孔道上通南寧諸土流下達珠浦諸場肆肩挑而逐子母背負以博奇贏往來貿易水陸必由勢也顧陸則龜背凹凸行于維艱水則雀視躊躇玉瑤何似墟成以來苦跋涉者六十餘年矣李秀峯先生數過此渡見擾擾亂流望洋而嘆喧喧舟畔接踵而嗟愀然久之遂發慈悲不假簽題獨力建造經始於十七年五月葺事於十八年八月上下兩年間工之大費之巨時之久公親歷工所寒暑無間籌深矣心盡矣以此紹休接龍媿美環秀其亦何遜今則橋成工竣天動星回勢亘長虹瀠洄氣抱人超昇捷物率履同完此遠謨奚不惇固可以十世可以百世造億萬無邊之福實子孫無疆之休其樂

善好施之誠濟人利物之德行將載之邑誌與接龍環秀並不磨於千古也豈不懿哉爰爲之銘曰惟君成梁矯如龍翔力能勝任建此百常形聳飛棟勢底康莊重軒鬱岸反宇壁璫前竇四會却背五方熙來攘往地久天長頌聲載道勳績維光錫之以福如陵如岡神哉虹橋永配無疆式銘磐石奕禩流芳

按記雖未勁拔間有訛字然尚非庸濫存之以彰義舉

祿波橋光緒二十二年邑人李載春等修建

錦江橋光緒二十五年邑庠生李紹庚倡建並爲之記

麓區橋道光二十五年岑天華獨建

潭瀉橋光緒二十年黃巖經玉可福等倡建邑廩貢黃國瑞有記

高蘭洞老爺埤石橋在那隆墟西六里

九廿埔石橋在那隆西十二里

劉屋洞石橋在那隆墟西二十里

水榕塘石橋在那隆墟西二十三里

利濟石橋今改爲百子橋在那隆墟西二十里

濟征石橋在那隆練朱砂嶺村面

靈山縣志

輿地志

四十六

廣州黃黎巷新中華承印

福慶石橋在那隆練九冬塘村面

那隆墟南木橋廖姓長年自搭

瓦林埠江木橋在那隆墟西三里衆建圮於水復設浮橋以竹爲之

龍淵上下橋在龍淵村面下橋同治間曹煜光焜光有光等倡捐建上橋光緒二十八年曹夢英夢鵬等倡捐建

寺山村橋在龍門寺山村前公捐建

黃葉塘木極麓口橋在龍淵甲界

馬嶺橋在龍淵甲內同治間曹建網等倡建

鳳凰橋龍溪橋鷄靈橋均道光八年秦鼎隆曹建誠等倡建光緒十八年貢生曹夢熊

復倡修

寶鴨橋在金科墟石龍塘下七里

石龍塘橋在金科墟石龍塘村面

風門橋在城北五里道光十四年衆建光緒十五年重修

黃猛橋在城北七里乾隆元年衆建三十七年重修五十年重修

關塘橋在城北八里

標竹橋 地古橋 六彎橋 苦煉橋均在城北十五里鍾屋村左右

大比橋在城西北十五里邑人韋經注林曉初梁松三人重修謂之三人橋
石角橋在城西北十二里容姓鼎建有碑記

鐵爐江橋在城西北三十里嘉慶二十五年衆建道光二十七年重修

下馬江等橋在石背那銀甲光緒八年修建歲貢生容憲章有記

登雲橋在石背白雲塘江光緒四年建韋經注有記

永揚橋在白雲塘江道光十七年建

舊州江橋在舊州墟前光緒壬辰邑人張永嵩廷琛倡捐建歲貢周繩姬有記

龍潭江橋在舊州西十里道光十五年周明旺倡捐建

兩夾水江石橋在舊州道光十七年張經綸倡建十九年大水崩圯同治元年張廷獻
廷琛復倡建

下龍塘江橋在舊州東十五里光緒元年張永嵩倡建

竹子坪江橋在舊州墟西十里道光二年盧爲鈺倡建

濟龍橋在那路墟東西分界處

冲雄達林兩橋在中寧練那務村鄉人廖國材等倡建宣化舉人盧啟頤有記

靈山縣志

輿地志

四十七

廣州黃黎巷新中華承印

那林橋在那樓墟北道光五年鄉人賴可專倡建

石磴橋在那披村同治年鄉人吳英住建

屯瓊橋在中寧練界鄉人鄭子瑚倡建

萬應橋在中寧練道光十六年鄉人黃若熱等建

冲羅橋又名通德橋在三寧練道光十七年鄉人廖正心等建

洋埠橋在三隆墟南光緒三十二年施廷洸等捐建

諫議塘橋滑石塘橋均在三隆墟西道光二年建同治十三年修

中江橋在三隆墟西北嘉慶己巳年陳應元等捐建

斑魚江橋在三隆墟南道光七年施有茂獨力建石橋兩度咸豐五年施福廉重修

新橋鴉鵲橋璞兒橋長田橋均在三隆界內

峯堆橋在中寧界光緒三十三年李天壯等捐建

靈秀橋在下寧界咸豐五年武生韋瓊武捐建

橋建橋在下寧那他村道光年間黃道運建

霜兩橋在下寧那逸村道光年間黃克偉建

夏懶橋在下寧首龍村道光元年朱自朗建

那花橋在下寧那秘村道光十八年黃武恒建一在那敏村道光二十年黃永康等建
那美橋在下寧那利村嘉慶年間黃光嚴建
達上橋在下寧那豆村道光二十五年李天厚建
湖廣橋在下寧屯良村道光年間黃獻修建
涌口橋在下寧那利村道光二十五年黃富良建
太平墟江石橋道光己丑鄉紳仇誨忠倡建光緒戊寅仇開誥倡修癸卯黃洪基復修
馬落礮江橋仇開宇妻陳氏獨建
高樓橋在獅子嶺墟南光緒年間李仁章建
棠梨村石橋在上東練棠梨村鄉人黃思翹獨建
十月坡石橋在上東練監生黃熙和獨建
蕉根洞江石橋在冲表洞光祿寺署正李文炤獨建
大平塘三叉江石橋在上東練由李文炤獨建
烟塾墟西石橋李文炤倡建
水剷江石橋李文炤倡建
三里江浮橋在武利東北

靈山縣志

輿地志

四十八

廣東黃黎巷新中華承印

永慶石橋在城西南獨樹村嘉慶初年蒙元遠建
坡禾地板橋武利而

永安石橋往武利練同治九年衆建有記

大水井江石橋在武利練安金村光緒三十年監生何僚朝建有記

派靴橋在下寧那敲村咸豐元年杜聞金捐建

乍那橋在下寧那敲村道光二十六年杜金珮等建

蔭潤橋在下寧鬻光村道光二十五年何海占等建

百子橋在下寧長利墟嘉慶十八年黃元光等建（欸即上李世奇所建經黃元光等
復建而李金才重修者俟考）

那塾橋在下寧屯睦村咸豐四年杜瑞賢等建

上美美橋在下寧界道光年間黃電燿等建

邦朗橋在下寧那弄村道光十年黃雲岫等建黃應邦重修

定橋在下寧屯睦村咸豐十一年杜襄山等建

稔擔橋在下寧那利村道光年間黃茂舉兄弟建

鬻篷橋在下寧那利村光緒五年梁自國等建

北利橋在下寧那敖村
南烈橋在下寧那鶴墟
東鎮橋在下寧板羅村以上三橋道光年間黃作福獨力**勸**建
紫坭橋在豐塘墟附近
花根橋在豐塘墟附近
又江橋在官屯新墟咸豐初年甯啟瑞獨建光緒初年修
江尾橋在官屯新墟道光四年丁昌仁偕姪全建有碑
塘基橋在官屯**密**塘光緒二十五年甯品章師典全建
魚窩橋在城東門外中江道光十二年陳景華獨建
羅古洞石橋在平山練內道光年間武生容煥彩獨建光緒三十二復修風門石橋在
平山練睦象村洞道光年間武生容煥彩獨建光緒二十五年復修
通衢石橋在石塘蘇村洞中道光庚子年邑人福建縣丕劉應兄弟倡捐創建鼐河橋
在石塘鼐河村西光緒丙子年劉槐廳等倡建置租爲修費
鵝兒壩橋在石塘塘尾村洞中
米村橋在石塘米村北

靈山縣志

輿地志

四十九

廣州黃黎巷新中華承印

偷鷄橋在石塘米村東
兆庄橋在石塘兆庄村
石牛橋在石塘石牛村東
新安橋在石塘新安村西合浦陸庭香倡捐建
合江橋在石塘上流村西南
吉年橋在石塘洞心舖北
永便石橋在檀墟街東八里道光二十七年監生陳國燦獨獨
三里江浮橋合靈來往通津光緒二十年陳繼熙倡捐重修
西昌橋在伯勞之西一里
南昌橋在伯勞之南
平心橋在伯勞之南八里
福隆橋在伯勞之北五里
伯勞督在伯勞東四里道光年間羅良垣獨建
保子橋在伯勞之東十里嘉慶年間何有揚獨建
三、橋在伯勞之西四里

西安橋在檀墟練東岸洞光緒戊戌年陳繼熙獨力建知縣葉土模有記
銅鼓江橋道光三十四年甲辰姚格廷鼎建邑舉人張永淵有記
新科江橋光緒乙未年謝誥章鼎建邑廩生譚堯知有記
教馬江石橋在平南墟

欖子坪石橋仇薌厚開遠等倡建

華蓋嶺石橋仇薌厚開遠等倡建

雙板橋在石背練廩生容長潤偕黃朝憲等捐修

太陽橋在縣北二十五里嘉慶甲子年衆建

青雲江橋在古例村道光五年劉昌典建

北寧江橋在太平墟道光八年伍太勳倡建

鍾秀橋在縣北三里乾隆己丑容韋氏建

平銀渡地屬靈山船屬欽州官渡與平南遞年渡夫工食於本州官租內支給丹竹渡
丹竹山溪內無官渡雖地屬靈山爲欽州往府通衢夏秋霖潦水勢洶湧行旅病涉乾
隆二十五年知府周碩勳令設竹筏交丹竹塘鋪夫經管州縣按秀各捐銀五錢給鋪
夫工食及修筏之用統歸欽州經理爲定章程公私稱便（以上二條地已屬欽）

靈山縣志

輿地志

五十

廣州黃黎巷新中華承印

武利江渡邑人葉遠揚等捐設

水車江渡邑人劉昌典相鵬合族捐設渡田土名高坪舊村等共種九斗爲渡夫工食
及修渡之需糧米劉姓自納

三隆墟渡邑人倡設

那鶴江步在太平墟東二里爲四水合流處拔貢仇葆厚倡造石步後因水激崩決仇
綏基施田租數十斗以爲秋冬搭木春夏竹筏之費

牛埠渡由廣平通欽廉大路邑人同設置田爲渡夫工食今已屬欽

三隆墟東平埠大江渡咸豐間覃子秀等置

三隆墟南齒灣渡道光二十八年施正部等置

三隆墟西車平埠渡光緒八年施子沛等置並建木橋

南安渡在武利墟葉梁二姓捐設

同善渡在武利墟衆設

文利渡在文利墟衆設

濟羣渡在黃坭灘衆設

塘表埠江渡在那隆墟南四里衆捐立

檀墟埠江渡在那隆墟東六里公立

周家渡在舊州楊屋山村面道光年墟間庠色周天顧倡設渡夫二名春則褊筏冬則搭橋以便行人

道路

蘇村坳石路乾隆二十六年邑人劉熾祖鉅祖純祖兄弟捐修
崗嶺路乾隆二十三年邑人仇翹鵬兄弟捐修

以上舊志

嶼差坳路邑人張子雄修光緒三十四年仇業租倡修長二十餘里
按即岑嵯爲北海往南寧大路

菴鷄坳路邑人張子雄修

上縣新路嘉慶二十四年修自是由雙板橋東上縣遇上下埠江漲可免徒涉仙女巖路上通南寧下通陸屋北海西鄉巡檢馮可宗捐俸甃砌石磴數十級邑人王懷川重倡修並建茶亭施茶

九脉崗石梯了髻諸路邑人龔安宇偕鄉人捐修其兄增生震宇爲之記

雷公巖路徑小而險爲邑欽通道嘉慶二十二年邑人賴一元倡修廣七尺可通輿馬

靈山縣志

輿地志

五十一

廣州黃黎巷新中華承印

風門坳路鋪石一百六十餘步邑人張超萬修

黃羌嶺路在邑西北二十餘里頗崎嶇每逢邑試例貢勞永川僱人修整

城外東北要道道光五年邑候章予之邑人楊邦濟同倡修舉人梁惠祖有記云 吾

邑治東北距橫州九十里其接壤距吾邑居六十里固兩粵會垣之衝衢亦邑中往來名利之要津也年來傾圮崩窪躑躅險阻行道苦之謂牛車絡繹震撼展裂使然抑其始鑿山開道之通拓未盡力與否坡章邑侯下車伊始百廢具興此舉時惓惓卽欲捐廉獨任適有好義紳楊巨川者克承厥志分任其費以與有成爰自城東郭至白木二十里砥道之嚙陷積潦者結沙灰以高固之石坳之欹叙隘妨者量廣鑿以鉞平之自是逢土山則展陵早之邊幅遇河岸則鞏左右之梯階別溝澮表阡隄水有所歸上有所寄晨昏晴雨方軌康莊以至豐塘分界數十里如枕席於道光四年冬至率作至五年三月歲事數月來操畚揭司搏埴攻石攻木日可百十人計費六百餘金邑侯與楊君兩均其支不相假借夫以邑侯之濟人利物也張弛必以坦途楊君之樂善不倦也恭敬先於桑梓且邑侯善與人同假不手於胥吏一委楊君楊君亦不蘄財力綜覈名實觀其成自分界至橫州江津三十里聞隣境亦集繕修現鳩工要害是善量所優更無窮也繼自今歷有年所間或頽壞而蒞斯土生斯土者景仰前徽必觀感而繼美矣非不

朽之業哉

城內街道光緒三十四年知縣張濤拆考棚石檯欖鋪墊

三隆梁屋埠灣埠路咸豐十年蘇怡新等捐修

考虎巖路光緒十六年中寧李廣周等捐修石階四五十級石路一二里

善團

養濟院在縣治西凡五間額設收孤貧二十名（支項見田賦志）同治二年知縣王振榮重建邑人姚亦宣鄧紹遠撰記

育嬰堂光緒十八年知府劉齊潯石縣饒繼志同邑人勸建在今義倉西二座兩廊饒繼志有記 周禮司民自生齒以上皆書於版漢魏核郡國丁口增損以爲守令攷課重民生也州縣爲守土之官職在親民凡求民利病察民欲惡樹澤於境內而爲地方所永賴者皆當悉心圖維次第營舉以盡父母之誼若止平訟獄校簿書登報最而稱能吏未足盡州縣之責也辛卯冬予來蒞茲士下車時諷諮稽察經亂以來城池圯壞倉穀無儲育嬰堂未建諸廢待興動關籌措而育嬰堂去年經奉令督州縣捐建太守劉公尤爲敦囑固當速爲經始而後次及諸務於是延邑內公正紳士商度太守先捐廉二百兩予亦隨捐五百元率使激勸邑人咸好義踴躍數月間得欸一萬四千串有奇

靈山縣志

輿地志

五十二

廣州黃黎巷新中華承印

爰因舊倉地建堂兩座兩廊一十六間左旁廚房三間工費等需附鐫記後有所盈餘留堂內置產業出息爲育嬰資藉著列章程垂之久遠此蓋太守之率先與邑紳民之好義以共成斯美也昔漢宣帝詔民有子力不舉者給資如例鄭渾爲邵陵令勸課農桑重去子之法賈彪爲新息長民不養子與殺人同罪此當育嬰所緣起尙未著其大名迨推行既久創建爲堂專掌收育與義學社倉並設皆由士民捐資以好義之心全大生之德而州縣所屬建否未備豈若今茲著爲政典徧行宇內城池倉穀諸務同繫生民之故而必急爲倡舉者乎抑予猶有說焉夫堂所及有限耳即推廣而什數安能徧邑境嬰兒而收育之然德意流充達於上下則凡窮巷有子女者當必仁慈廣發愛其所生而勿輕棄之是生機之暢洽而當事建堂之深心也爰書其事以爲記

靈山正續志卷五輿地志

地文類

分野

氣候

災祥

疆域類上

廣輪面積

道里

山川

地文

易曰觀乎天文以察時變觀乎人文以化成天下夫日月五星天文也江河山岳地文也仰觀俯察經緯天地人文也昔保章氏以躔次定氛祲司徒建國必察陰陽燥濕風雨寒暑之宜自天文之學演而愈精其歸也必驗於人道里以定天度氣候以決殖民